

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA SABA**

**KIKAO CHA AROBAINI NA SITA**

**13 JUNI, 2017**



## ORODHA YA SHUGHULI ZA LEO

---

### MKUTANO WA SABA

KIKAO CHA AROBAINI NA SITA – TAREHE 13 JUNI, 2017

I. DUA:

II. MASWALI:

OFISI YA RAIS (TAMISEMI):

374. MHESHIMIWA JORAM ISMAEL HONGOLI  
(LUPEMBE):

Atamuuliza Mheshimiwa Waziri wa Nchi, Ofisi ya Rais (TAMISEMI):- Shule ya Sekondari ya Lupembe iliyopo Halmashauri ya Wilaya ya Njombe ni ya muda mrefu; na tulishaomba na kufanya maandalizi ya kuwa na Kidato cha Tano kwa Mchepuo wa CBG:-

Je, ni lini Serikali itaanzisha Kidato cha Tano katika Shule hiyo.

## **OFISI YA RAIS (UTUMISHI NA UTAWALA BORA):**

### **375. MHESHIMIWA RUTH HIYOB MOLLEL (VITI MAALUM):**

Atamuuliza Waziri wa Nchi, Ofisi ya Rais (Utumishi na Utawala Bora):- Serikali yeyote Duniani inaendeshwa na Rasilimali watu yenye weledi, ari na uzalendo; Ili Watumishi hawa wafanye kazi kwa moyo wanahitaji kuthaminiwa, kutambuliwa mchango wao na kupewa stahili zao bila bughudha:-

Je, Serikali imebuni mkakati gani wa kuwapa motisha na ari Watumishi wa Umma ili wafanye kazi kwa kujituma badala ya vitisho.

## **WIZARA YA AFYA, MAENDELEO YA JAMII, JINSIA, WAZEE NA WATOTO:**

### **376. MHESHIMIWA SABREENA SUNGURA (VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Kumekuwa na malalamiko ya kupokea dawa za ARV zilizokwisha muda wa matumizi (*expired*) kwenye Vituo vya Afya katika Manispaa ya Kigoma Ujiji na Mkoa wa Kigoma kwa ujumla:-

Je, ni lini Serikali itafanya ukaguzi katika Manispaa ya Ujiji na Mkoa wa Kigoma ili kubaini ukweli wa malalamiko hayo.

**WIZARA YA VIWANDA, BIASHARA NA UWEKEZAJI:**

**377. MHESHIMIWA FATMA HASSAN TOUFIQ  
(VITI MAAMLUM):**

Atamuuliza Mheshimiwa Waziri wa Viwanda, Biashara na Uwekezaji:- Mheshimiwa Rais amesisitiza sana kuhusu Tanzania ya Viwanda; na katika Mkoa wa Dodoma kulikuwa na Kiwanda cha kutengeneza Mvinyo (DOWICO) ambacho kilikuwa msaada mkubwa sana kwa Wakulima wa Zabibu:-

Je, Serikali ina mpango gani wa kufufua Kiwanda hicho ili kufanya Wakulima wapate tija kwa kuuza Zabibu zao Kiwandani.

**WIZARA YA MAMBO YA NDANI YA NCHI:**

**378. MHESHIMIWA DKT. SHUKURU JUMANNE  
KAWAMBWA (BAGAMOYO):**

Atamuuliza Mheshimiwa Waziri wa Mambo ya Ndani ya Nchi:- Baadhi ya Vituo vya Polisi na Magereza nchini vina majengo chakavu sana vikiwemo Kituo cha Polisi Bagamoyo na Gereza la Kigongoni Bagamoyo:-

Je, Serikali ina mpango gani wa haraka wa kujenga nyumba za Polisi na Askari Magereza Bagamoyo.

**379. MHESHIMIWA ZAINABU ATHUMANI KATIMBA (VITI MAALUM):**

Atamuuliza Mheshimiwa Waziri wa Mambo ya Ndani ya Nchi:-Aliyekuwa Waziri wa Mambo ya Ndani ya Nchi, Mhe. Charles Kitwanga alikaririwa na Vyombo vya Habari mwezi Desemba, 2015 akiliagiza Jeshi la Polisi kumkabidhi majina ya watu wanaojihusisha na biashara haramu ya dawa za kulevya, ambazo ongezeko lake nchini lina athari hasi dhidi ya Vijana ambao ni nguvu kazi ya Taifa:-

- (a) Je, ni hatua gani zimechukuliwa tangu Serikali ya Awamu ya Tano iingie Madarakani katika kuwabaini, kuwachunguza na hatimaye kuwafikisha Mahakamani wale wote waliobainika kujihusisha na mtandao wa biashara za dawa za kulevya;
- (b) Je, Serikali ina mkakati gani wa kuwasaidia Vijana wanaojiingiza kwenye dimbwi la matumizi ya dawa za kulevya kuondokana na utegemezi wa dawa za kulevya nchini;
- (c) Je, ni Vijana wangapi kwa nchi nzima ambao kwa kipindi cha miaka 10 iliyopita wamepatiwa tiba kusaidiwa kuondokana na utegemezi wa dawa za kulevya.

## **WIZARA YA KATIBA NA SHERIA:**

### **380. MHESHIMIWA MARY PIUS CHATANDA (KOROGWE MJINI):**

Atamuuliza Mheshimiwa Waziri wa Katiba na Sheria:- Mhimili wa Mahakama kama ilivyo Mhimili mingine unahitaji kuwa na eneo la uhakika la kufanyia kazi na vitendea kazi vya uhakika:-

Je, ni lini Wilaya ya Korogwe itajengewa Mahakama ya Wilaya.

## **WIZARA YA KILIMO, MIFUGO NA UVUVI:**

### **381. MHESHIMIWA DKT. DAVID MATHAYO DAVID (SAME MAGHARIBI):**

Atamuuliza Mheshimiwa Waziri wa Kilimo, Mifugo na Uvuvi:- Serikali iliahidi katika Bajeti ya 2012, 2013 na 2014 kujenga Malambo, Majosho na Kisima kirefu kwa ajili ya Wananchi na Wafugaji wa Kata ya Ruvu katika Jimbo la Same Magharibi:-

Je, ni lini ahadi hiyo itakamilishwa.

## **WIZARA YA ELIMU, SAYANSI NA TEKNOLOJIA:**

### **382. MHESHIMIWA MUNDE ABDALLAH TAMBWE (VITI MAALUM):**

Atamuuliza Mheshimiwa Waziri wa Elimu, Sayansi na Teknolojia:-

Je, ni lini Serikali itaanzisha Chuo Kikuu katika Mkoa wa Tabora, hasa ikizingatiwa kuwa Mkoa huo hauna Chuo Kikuu hata kimoja cha Serikali.

## **WIZARA YA UJENZI, UCHUKUZI NA MAWASILIANO:**

### **383. MHESHIMIWA MAFTAHA ABDALLAH NACHUMA (MTWARA MJINI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Bandari ya Mtwara ni Bandari yenye kina kirefu Afrika Mashariki na Kati; na Serikali kwa makusudi imeamua kuitupa na kujenga Bandari maeneo mengine ya nchi tena kwa gharama kubwa sana:-

Je, Serikali ipo tayari kukiri makosa na kuiboresha Bandari ya Mtwara ili Korosho zote zisafirishwe kupitia Bandari hiyo kwa lengo la kupunguza msongamano wa Bandari ya Dar es Salaam.

### III. HOJA ZA SERIKALI:

#### WAZIRI WA FEDHA NA MIPANGO:

Kwamba, Bunge likubali kujadili Hali ya Uchumi wa Taifa kwa Mwaka 2016 na Mpango wa Maendeleo wa Taifa kwa Mwaka wa Fedha 2017/2018.

Kwamba, Bunge likubali kupitisha Mapendekezo ya Serikali kuhusu Makadirio ya Mapato na Matumizi kwa Mwaka wa Fedha 2017/2018.



*(Majadiliano yanaendelea)*



**DODOMA  
13 JUNI, 2017**

**DKT. T. D. KASHILILAH  
KATIBU WA BUNGE**